

Rau: Cov mejiyig, xibfwb, thiab neeg ua haujlwm

Tuaj ntawm: *Vice Chancellor for Finance and Administration* thiab *Vice Chancellor for Research* tuaj

Txog: Tsoom fwv kaw haujlwm

Hnub: Kaum Hli xiab 1, 2025

Rau ib tsoom hauv tsev kawm ntawv,

Tej zaum nej twb paub lawm, tsoom fwv tau kaw cov neeg ua haujlwm tsis tseem ceeb pib thaum 12:01 sawv ntsov hnub no lawm.

Txawm qhov no yog ib qho kev txhawj rau peb kev khiav haujlwm hauv tsev kawm ntawv thiab cov chaw tshawb fawb kawm los, peb cov thawj hauv tsev kawm ntawv yeej npaj rau qhov no rau cov asthiv tas thiab npaj tias yog muaj li cas ho yuav ua li cas, nrog qhov muaj kaw rau ntau asthiv los lawm.

Cov thawj ntawm *University Relations, Research and Sponsored Programs (RSP)* nyob hauv *Office of the Vice Chancellor for Research, the Office of the Vice Chancellor for Finance and Administration*, thiab *Office of the Vice Chancellor for Legal Affairs* yeej ntsuam xyuas tas li txog qhov no tias yuav tshuam peb li cas thiab nrog ib tsoom hauv tsev kawm ntawv thiab pab neeg koom tswj ua haujlwm tham tas li.

Thaum lub caij kaw, tsev kawm ntawv lub hom phiaj yog muaj kev qhia yuav ua li cas thiab txhawb rau peb ib tsoom hauv tsev kawm ntawv thiab xyuas kom tshuam rau tsev kawm ntawv tsawg li qhov ua tau.

Cov nyiaj pab tuaj hauv tsoom fwv tuaj yog pob ntau tshaj rau tsev kawm ntawv qhov nyiaj npaj siv. Qhov kaw no tsuas tshuam tsev kawm ntawv kev khiav haujlwm rau kev tshawb fawb xwb, rau lwm yam nyob ntawm seb qhov kaw no muaj ntev li cas thiab cov koos haum hauv tsoom fwv ho kom ua li cas.

Cov nyiaj pab rau mejiyig, nrog cov nyiaj muab pab thiab pub, yuav tsis tshuam li cas.

Cov xibfwb thiab coj xyuas cov haujlwm tsoom fwv muab nyiaj pab uas tab tom ua thiab cov neeg tsoom fwv cov nyiaj pub them, rau tam sim no, yuav tsum ua lawv qhov kev tshawb fawb ntiv, ntshe lawv ho tau txais kev qhia kom ua li cas los lub koos haum muab qhov nyiaj ho kom lawv nres tos xwb.

Thaum lub caij kaw no, tsoom fwv cov koos haum yuav tsis muab nyiaj los muaj kev cog lub tshiab los muab nyiaj ntxiv rau cov twb muaj ua tam sim no; tej zaum cov neeg ua num rau tsoom fwv kuj yuav teb tsis tau xovtooj, teb *emails* kho tej ntaub ntawv kev pab los muab kev pab. Tsoom fwv cov chaw ua num tej zaum kuj yuav mus tsis tau rau thiab tej zaum ncua ua daim ntawv *visa*.

Raws peb qhov kev sib koom tswj cov nuj nqi thiab txo kev siv nyiaj rau thaum lub caij ntuj sov, peb kuj nyob rau qhov muaj nyiaj txaus siv lub caij kaw haujlwm no. Tabsis, peb cuab sawv daws zog kom txo kev siv nyiaj, xws li txhob txais neeg tshiab rau tej txoj haujlwm tsis tseem ceeb thiab mus ua num kev deb thiab tswj kev siv nyiaj rau cov haujlwm tsoom fwv pab nyiaj. Thov xyuas [tsev kawm ntawv tsab xov no](#) tuaj thaum lub Peb Hlis rau kev qhia ua raws, uas tseem siv tam sim no.

*RSP* yuav nrog ib tsoom ua num rau kev tshawb fawb tham tas li thaum paub ntxiv txog qhov kaw haujlwm no. Kev qhia tseem ceeb yuav muab tso rau hauv [kev qhia kaw haujlwm lub website](#), thiab pab neeg hauv *RSP* yuav teb cov lus muaj nug qhaib rau qhov no.

Lub *Office of Federal Relations* kuj yuav [tso cov kev qhia ntxiv rau ib tsoom hauv tsev kawm ntawv](#) raws li tej yam yuav tau qhia.

Tam li peb xyuas ua raws qhov kev pauv thiab nyuaj tsoom fwv muaj no, peb lees tias muaj nej coob tus txhawj txog tsis paub yuav muaj nyiaj siv rau kev tshawb fawb zoo li cas, cov cai pauv thiab kev khiav haujlwm. Qhov kev kaw haujlwm no ntxiv kev nyuaj siab tseem ceeb, rau peb ib tsoom ua num rau kev tshawb fawb. Peb pom qhov no thiab yuav ua zoo npaum li peb ua tau muab kev qhia kom zoo thiab saib, thaum paub txog muaj li cas.

Peb zoo saib rau nej kev ua siab ntev thiab yooj yim tam li peb xyuas ua raws qhov no, thiab ua tsaug rau nej cov haujlwm tseem ceeb.

Rob Cramer

*Vice Chancellor for Finance and Administration*

Dorota Grejner-Brzezinska

*Vice Chancellor for Research*